



志第一

遼史二十一

開府儀同三司在國錄軍國書事書奏相監後國領經筵事都總我兵脫脫奉

勅修

營衛志上

上古之世草衣木食巢居穴處熙熙于于不求不淨爰自  
炎帝政衰蚩尤作亂始制干戈以毒天下軒轅民作戮之  
涿鹿之阿處則象吻于宮行則懸旌于纛以為天下萬世  
戒於是師兵營衛不得不設矣冀州以南歷洪水之變夏  
后始制城郭其人土著而居綏服之中外奮武衛內揆文  
教守在四邊營衛之設以備非常而已并營以北勁風多

寒隨陽遷徙歲無寧存曠土萬里寇賊毒穴乘隙而作營  
衛之設以為常然其勢然也有遼始大設制尤密居有宮  
衛謂之幹魯采出有行營謂之捺鉢分鎮邊圉謂之部族  
有事則以攻戰為務閑暇則以牧漁為生無日不營無在  
不衛立國規模莫重於此作營衛志

### 宮衛

遼國之法天子踐位置宮衛分州縣析部族設官府籍戶  
口備兵馬崩則扈從后妃宮帳以奉陵寢有調發則丁壯  
從戎事老弱居守太祖曰弘義宮應天皇后曰長寧宮大  
崇曰永興宮世宗曰積慶宮穆宗曰延昌宮景宗曰彰德

宮承天太后曰居宗德宮聖宗曰興聖宮興宗曰延慶宮道  
宗曰太和宮天祚曰永昌宮又孝文皇太弟有敦睦宮丞  
相耶律隆運有文忠王府凡州三十八縣十提轄司四十  
一石烈二十三瓦里七十四抹里九十八得里二間撒十  
九為正戶八萬藩漢轉戶十二萬三千共二十萬三千戶  
算幹魯采太祖置國語心腹曰算官曰幹魯采是為弘義  
宮以心腹之衛置益以渤海俘錦州戶其幹魯采在臨潢  
府陵寢在祖州東南二十里正戶八千蕃漢轉戶七千出  
騎軍六千

### 州五錦祖嚴祺銀

縣一富義

提轄司四南京西京奉聖州平州

石烈二曰須曰速魯

瓦里四曰合不曰撻撒曰慢押曰虎池

抹里四曰臚曰預墩曰鶻突曰糾里闡

得里二曰述壘北曰述壘南

國阿輦幹魯朶太宗置拔國曰國阿輦是為永興宮初名

孤穩幹魯朶以太祖平渤海俘戶東京懷州提轄司及雲

州懷仁縣澤州灤河縣等戶置其幹魯朶在游古河側陵

寢在懷州南三十里正戶三千蕃漢轉戶七千出騎軍五

千

州四懷黔開來

縣二保和灤河

提轄司四南京西京奉聖州平州

石烈一北女古

瓦里四曰抹曰母曰合李只曰述壘

抹里十三曰述壘軫曰大隔蔑曰小隔蔑曰母曰

歸化不木曰唐括曰吐谷曰百爾瓜忒曰合

魯不只曰移馬不只曰臚曰清帶曰速穩

聞撒七曰伯德部曰守狝曰穴骨只曰合不頗危

曰虎里拔曰耶里只拔室曰僧隱令公

耶魯盤幹魯朶世宗置興盛曰耶魯盤是為積慶宮以文  
獻皇帝衛從及太祖俘戶及雲州提轄司并高宜等州戶  
置其幹魯朶在土河東陵寢在長寧宮北正戶五千蕃漢  
轉戶八千出騎軍八千

州三康顯宜

縣一山東

提轄司四

石烈一考漢

瓦里八日定廷撒曰合不曰烈道里曰潭馬曰

契末曰耶里直曰耶魯兀也

抹里十曰紇斯直曰蠻葛曰斡里曰潭馬忒曰出

懶曰速忽魯挽曰牒里得曰闊馬曰迭里特

曰女古

蒲速盪幹魯朶應天皇太后置興隆曰蒲速盪是為長寧  
宮以遼州及海濱縣等戶置其幹魯朶在高州陵寢在龍  
化州東一百里世宗分屬讓國皇帝宮院正戶七千蕃漢  
轉戶六千出騎軍五千

州四遼海坤遼西顯

縣三奉先歸義定霸

提轄司四

石烈一北女古

瓦里六曰潭馬曰合不曰達撒曰慢押曰耶里只

曰渾只

抹里十二曰渾得移隣稍瓦只曰合四甲臘因鐵

里卑稍只曰奪羅果只曰易子葛只曰合里只

曰婆渾昆母温曰阿魚埃得本曰東廝里門

曰西廝里門曰東鑣里曰西鑣里曰牒得只

曰滅母隣母

奪里本幹魯及穆宗置是為延昌宮討平曰奪里本以國

阿鞏幹魯亦力及阻卜俘戶中京提轄司南京制置司或

信韓等州戶置其幹魯亦在紀雅里山南陵寢在京南正

戶一千蕃漢轉戶二十出騎軍二千

州二遂韓

提轄司三中京南京平州

石烈一曰須

瓦里四曰抹骨古葉曰兀沒曰潭馬曰合里直

抹里四曰抹骨登兀沒滅曰土木直移隣曰息州

决里曰莫理奪石

監母幹魯亦景宗置是為彰德宮遺留曰監母以章肅皇

帝侍衛及武安州戶置其幹魯朵在今魯河陵寢在祖州  
南正戶八千蕃漢轉戶一萬出騎軍一萬

州四永龍化降聖同

縣二行唐阜俗

提轄司四

石烈二日監母日南女古

瓦里七日潭馬日奚烈日埃合里直日蠻雅葛日

特末日烏也日滅合里吉

抹里十一日尼母曷烈因稍瓦直日察改因麻得

不日移失隣幹直日辛古不直日撒改真

牙肯直日虎狻阿里鄰日潑昆日潭馬日間

臘日楚兀真果鄰

孤穩幹魯朵承天太后置是為崇德宮主日孤穩以乾顯

雙三州戶置其幹魯朵在土河東陵村景宗白皇帝正戶六

千蕃漢轉戶一萬出騎軍一萬

州四乾川雙重貞德

縣一路上京

提轄司三南京西京奉聖州

石烈三日饜里日滂日迭里特女古

瓦里七日達撒日耶里日合不日歇不日合里直

曰慢押曰耶里直

抹里十一曰阿里斯直述壘曰預篤温稍瓦直曰

潭馬曰賃預篤温一騰曰牙葛直曰傑得直

曰虎温曰孤温曰撒里僧曰阿里葛斯過鄰

曰鐵里車穩鑿里

聞撒五曰合不直迷里幾類你曰傑耳葛太保果

直曰爪里阿本果直曰僧隱令公果直曰老

昆令公果直

女古幹魯及聖宗置是為興聖宮金曰女古以國阿蓋耶

魯曰盤浦速盤三幹魯及右置其幹魯及在女混活直陵寢

在慶州南安正力一萬蕃漢轉力二萬出騎軍五千

州五慶隰鳥上京烏東京霸

提轄司四

石烈四曰毫兀真女姑曰孛兀真女室曰女特里

特曰女古濠

瓦里六曰女古蒲速盤曰鶻篤曰乙抵曰翁曰埃

也

抹里九曰乙卒不只曰鐵非温曰埃合里只曰朝

現曰合魯山血古只曰奪威排登血古只曰

勞骨曰虛沙曰土隣



開撒五曰達隣頻你曰和里懶你曰介阿不厥真  
曰粘獨里僧曰袍達夫人厥只

窩篤益斡魯朵與宗置是為延慶宮孛息曰窩篤益以諸  
斡魯朵及饒州戶置其斡魯朵在高州西陵寢在上京慶  
州正戶七十著漢轉戶一萬出騎軍一萬

州三饒長春泰

提轄司四

石烈二曰窩篤益曰鶻篤骨

瓦里六曰窩篤益曰斡把曰斡阿曰紀里曰得里

曰歐烈

抹里六曰歐里本曰燕斡曰緬四曰乙僧曰北得

里曰南得里

阿思斡魯朵道宗置是為太和宮寬大曰阿思以諸斡魯  
朵御前承應人及興中府戶置其斡魯朵在好水灤陵寢  
在上京慶州正戶一萬著漢轉戶二萬出騎軍一萬五千

石烈二曰阿斡曰耶魯

瓦里八曰阿斡曰耶魯曰得里曰紀里曰撒不曰

鶻篤曰蒲連斡曰曷烈

抹里七曰恩州得里曰斡奢得里曰歐里本曰特

滿曰木剌土隣曰紀里曰阿里斡迷里

阿魯盤幹魯朶天祚皇帝置是爲永昌宮輔祐曰阿魯盤  
以諸幹魯朶御前承應人春宣州戶置正戶八千蕃漢轉  
戶一萬出騎軍一萬

石烈二曰阿魯盤曰榆魯苑

瓦里八曰阿魯幹曰合里也曰鶻突曰敵刺曰謀

魯幹曰紀里曰奪里刺曰特赤也

抹里八曰蒲連盤曰移董曰幹篤盤曰特蒲曰謀

魯盤曰移典曰悅曰勃得本

孝文皇太弟敦睦宮謂之赤寔得本幹魯朶孝曰赤寔得  
本文獻皇帝承應人及渤海倭建潘巖三州戶置陵寢在

祖州西南三十里正戶三千蕃漢轉戶五千出騎軍五千

州三建潘巖

提轄司一南京

石烈二曰嘲曰與敦

瓦里六曰乙辛曰得里曰奚烈直曰大潭馬曰小

潭馬曰與敦

抹里二曰潭馬抹乖曰柳實

闡撒二曰聶里頻你曰打里頻你

大丞相晉國王耶律隆運本韓氏名德讓以功賜國姓出  
官籍隸橫帳季父房贈尚書令謚文忠無子以皇族魏王

通志一  
貼不子耶魯爲嗣早卒天祚皇帝又以皇子敖魯幹繼之  
官給葬具建廟乾陵側擬諸宮例建文忠王府正戶五千  
蕃漢轉戶八千出騎軍一萬

州一

提轄司六上京中京南京西京奉聖州平州

著帳郎君

著帳郎君初遥輦痕德董可汗以蒲古只等三族害于越  
釋魯籍沒家屬入瓦里淳欽皇后宥之以爲著帳郎君世  
宗悉免後族戚世官犯罪者沒入

著帳戶

著帳戶本諸幹魯朵析出及諸罪沒入者凡承應小底司  
藏鷹鳥坊湯藥尚飲盥漱尚膳尚衣裁造等役及宮中親王  
祇從伶官之屬皆充之  
凡諸宮衛人丁四十萬八千騎軍十萬一千著帳釋宥沒  
入隨時增損無常額

志第一

志第二

遼史三十一

開府儀同三司上柱國錄軍國軍事書表相監修國史領經筵事都總裁臣脫脫奉

勅修

營衛志中

行營

周官土圭之法日東景朝多風日北景長多寒天地之間  
風氣異宜人生其間各適其便王若因三才而節制之長  
城以南多疑多暑其人耕稼以食桑麻以衣宮室以居城  
郭以治大漠之間多寒多風畜牧畋漁以食皮毛以衣轉  
徙隨時車馬為家此天時地利所以限南北也遼國盡有

大漠浸包長城之境因宜為治秋冬違寒春夏避暑隨水  
車就畋漁歲以為常四時各有行在之所謂之捺鉢

春捺鉢

曰鴨子河灤皇帝正月上旬起牙帳約六十日方至天  
鷺未至卓帳冰上斲冰取魚冰泮乃縱鷹鷂捕鷺鷹晨  
出暮歸從事弋獵鴨子河灤東西二十里南北三十里  
在長春州東北三十五里四面皆沙塢多榆柳杏林皇  
帝每至侍御皆服墨綠色衣各備連鎗一柄鷹食一器  
刺鷺錐一枚於灤周圍相去各五七步排立皇帝冠巾  
衣時服繫玉束帶於上風望之有鷺之處輿旗深騎馳

報遠泊鳴鼓鷺驚騰起左右圍騎皆舉幟麾之五坊  
進海東青鷂拜授皇帝放之鷂擒鷺隊無刀不加排立  
近者舉錐刺鷺取腦以飼鷂鷂食則貴銀絹皇帝得  
頭鷺薦廟羣臣各獻酒果舉樂更相酬酢致賀語皆插  
鷺毛于首以為樂賜從人酒遍散其毛弋獵網釣春盡  
乃還

夏捺鉢

無常所多在吐兒山道宗每歲先幸黑山拜聖宗興宗  
陵賞金蓮乃幸子河避暑吐兒山在黑山東北二百里  
近饅頭山黑山在慶州北十三里上有池池中有金蓮

子河在吐兒山東北三百里懷州西山有清涼殿亦爲  
行幸避暑之所四月中旬起牙帳卜吉地爲納涼所五  
月末旬六月上旬至居五旬與北南臣僚議國事暇日  
遊獵七月中旬乃去

### 秋捺鉢

曰伏虎林七月中旬自納涼起牙帳入山射鹿及虎  
林在永州西北五十里嘗有虎據林傷害居民畜牧景  
宗領數騎獵焉虎伏草際戰慄不敢仰視上舍之因號  
伏虎林每歲車駕至皇族而下分布灤水側伺夜將半  
鹿飲鹽水令獵人吹角效鹿鳴旣集而射之謂之舐鹽

### 鹿又名呼鹿

### 冬捺鉢

曰廣平淀在永州東南三十里本名白馬淀東西二十  
餘里南北十餘里地甚坦夷四望皆沙磧木多榆柳其  
地饒沙冬月稍暖牙帳多於此坐冬與北南大臣會議  
國事時出校獵講武兼受南宋及諸國禮貢皇帝牙帳  
以槍爲硬寨用毛繩連繫每槍下黑氈傘一以庇衛士  
風雪槍外小氈帳一層每帳五人各執兵仗爲林圍南  
有省方殿殿北約二里曰壽寧殿皆木柱竹椽以氈爲  
蓋彩繪韜柱錦爲壁衣加緋繡額又以黃布繡龍爲地

障窓櫺皆以氈爲之傅以黃油絹基高尺餘兩廂廊廡亦以氈蓋無門戶省方殿北有鹿皮帳帳次北有八方公用殿壽寧殿北有長春帳衛以梗寨宮用契丹兵四千人每日輪番千人祇直禁園外卓捨爲寨夜則拔捨移卓御寢帳周圍拒馬外設鋪傳鈴宿衛每歲四時周而復始

皇帝四時巡守契丹大小口外臣僚并應役次人及漢人宣徽院所管百司皆從漢人樞密院中書省唯摘宰相一員樞密院都副丞旨二員令史十人中書令史一人御史臺大理寺選摘一人扈從每歲正月上旬車駕啓行宰相

以下選於中京居守行遣漢人一切公事除拜官僚止行堂帖權差俟會議行在所取旨出給詔敕文官縣令錄事以下更不奏聞聽中書銓選武官須奏聞五月納涼行在所南北臣僚會議十月坐冬行在所亦如之

部族上

部落曰部氏族曰族契丹故俗分地而居合族而處有族而部者五院六院之類是也有部而族者奚王室韋之類是也有部而不族者特里特剋稍瓦曷朮之類是也有族而不部者遥輦九帳皇族三父房是也奇首八部爲高麗蠕蠕所侵僅以萬口附于元魏生聚未幾北齊見侵掠男

女十萬餘口。繼爲突厥所逼，寄處高麗，不過萬家。部落離散，非復古八部矣。別部有臣附突厥者，內附於隋者，依紇臣水而居，部落漸衆，分爲十部，有地遼西五百餘里。唐世大賀氏仍爲八部，而松漠玄州別出，亦十部也。遥輦氏承萬榮可突于散敗之餘，更爲八部。然遥輦迭刺別出，又十部也。阻午可汗析爲二十部。契丹始大，至于遼太祖，析九帳三房之族，更列二十部。聖宗之世，分置十有六，增置十有八，并舊爲五十四部。內有拔里乙室已國舅族，外有附庸十部，盛矣。其氏族可知者，畧具皇族外戚一表。餘五院六院乙室部止見益古撒里木涅刺烏古部止見撒里卜

涅勒突呂不突舉部止見塔古里航幹皆兄弟也。奚王府部時瑟哲里則臣主也。品部有挈女楮特部有洼其餘世繫名字皆漫無所考矣。舊志曰契丹之初草居野次，靡有定所。至涅里始制部族，各有分地。太祖之興，以迭刺部強，燄析爲五院六院奚六部。以下多因俘降而置。勝兵甲者，即著軍籍，分隸諸路，詳穩統軍招討司番居內地者，歲時田牧平莽間，邊防紀戶生生之資，仰給畜牧。績毛飲漣以爲衣食，各安舊風，狃習勞事，不見紛華異物，而遷故家給人足，戎備整完，卒之虎視四方，疆朝弱附，東踰磻木西越流沙，莫不率服。部族寔爲之爪牙云。



古八部

悉萬丹部

何大何部

伏弗郁部

羽陵部

日連部

匹黎部

黎部

吐六于部

契丹之先曰奇首可汗生八子其後族屬漸盛分為八

部居松漢之間今永州木葉山有契丹始祖廟奇首可

汗可敦併八子像在焉潢河之西土河之北奇首可汗

故壤也

隋契丹十部

元魏疑莫弗賀勿于畏高麗蠕蠕侵逼率車三千乘衆

萬口內附乃去奇首可汗故壤居白狼水東北齊文宣

帝自平州三道來侵虜男女十餘萬口分置諸州又為

突厥所逼以萬家寄處高麗境內隋開皇四年諸莫弗

賀悉衆款塞聽居白狼故地又別部寄處高麗者曰出

伏等率衆內附詔置獨奚那頡之北又別部臣附突厥

者四千餘戶來降詔給糧遣還固辭不去部落漸衆徙逐水草依紇臣水而居在遼西正北二百里其地東西亘五百里南北三百里分爲十部述其名

唐大賀氏八部

達稽部峭落州

紇便部彈汗州

獨活部無逢州

芬間部羽陵州

突便部日連州

芮奚部徒河州

墜斤部萬丹州

伏部州二匹黎赤山

唐太宗置玄州以契丹大帥據曲爲刺史又置松漠都督府以窟哥爲都督分八部并玄州爲十州則十部在其中矣

遥輦氏八部

旦利皆部

乙室活部

實活部

納尾部

頻沒部

納會雞部

集解部

奚盟部

當唐開元天寶間大賀氏既微遼始祖涅里立迪輦祖  
里爲阻午可汗時契丹因萬榮之敗部落凋散即故有  
族衆分爲八部涅里所統迭刺部自爲別部不與其列  
并遙輦迭刺亦十部也

遙輦阻午可汗二十部

耶律七部

審密五部

八部

涅里相阻午可汗分三耶律爲七二審密爲五并前八  
部爲二十部三耶律一曰大賀二曰遙輦三曰世里即  
皇族也二審密一曰乙室已二曰拔里即國舅也其分  
部皆未詳可知者曰迭刺曰乙室曰品曰楮特曰烏隗  
曰突呂不曰捏刺曰突舉又有右大部左大部凡十逸  
其二大賀遙輦析爲六而世里合爲一茲所以迭刺部  
終遙輦之世疆不可制云

志第二

志第三

遼史三十三

詳存儀司三司一柱國錄軍國重事書左丞相監修國史領經筵事都總裁臣 脫脫 奉

勅修

營衛志下

部族下

遼起松漠經營撫納竟有唐晉帝王之器典章文物施及  
潢海之區作史者尚可以故俗語耶舊史有部族志歷代  
之所無也古者廵守于方岳五服之君各述其職遼之部  
族實似之故以部族置官衛行營之後云

遼內四部族

遥輦九帳族

横帳三父房族

國舅帳拔里乙室已族

國舅別部

太祖二十部二國舅外帳分止十八部

五院部其先曰益古凡六營阻午可汗時與弟撒里木領之曰迭刺部傳至太祖以夷离董即位天贊元年以疆大難制析五石烈為五院六瓜為六院各置夷离董會同元年更夷离董為大王部隸北府以鎮南境大王及都監春夏居五院部之側秋居羊門甸石烈四

大蔑孤石烈

小蔑孤石烈

甌昆石烈太宗會同二年以烏古之地水草豐美

命居之三年益以海勒水之地為農田

乙習本石烈會同二年命以烏古之地

六院部隸北府以鎮南境其大王及都監春夏居泰德泉之北秋冬居獨盧金石烈四

轄懶石烈

阿速石烈

斡納撥石烈

翰納阿刺石烈會同二年命居烏古三年益以海

勒水地

乙室部其先曰撒里本阻午可汗之世與其兄益古分  
營而領之曰乙室部會同二年更夷离董為大玉隸南  
府其大玉及都監鎮駐西南之境司徒居鴛鴦泊聞撒  
戒居車軸山石烈二

阿里谷石烈

欲主石烈

品部其先曰孛女阻午可汗以其營為部太祖更諸部  
夷离董為令總統和字又改節度使隸北府屬西北路

招討司司徒居太子墳元戎軍隸節度使留後戶隸司  
徒石烈三

北哲里只石烈

南轄懶石烈

猪特部其先曰洼阻午可汗以其營為部隸南府節度  
使屬西北路招討司司徒居栢坡山及鐸山之側石烈

二

北石烈

南石烈

烏隗部其先曰撒里卜與其兄涅勒同營阻午可汗析

遼志三  
三  
為二撒里卜為烏隗部涅勒為涅刺部俱隸北府烏隗  
部節度使屬東北路招討司司徒居徐母山郝里河之  
側石烈二

北石烈

南石烈

涅刺部其先日涅勒阻午可汗分其營為部節度使屬  
西南路招討司居黑山北司徒居郝里河側石烈二

北塌里石烈

南察里石烈

突呂不部其先日塔古里領三營阻午可汗命分其一

與弟航幹為突與部塔古里得其二更為突呂不部隸  
北府節度使屬西北路招討司司徒居長春州西石烈  
二

北托不石烈

南須石烈

突與部其先日航幹阻午可汗分營與部隸南府戍於  
隗烏古部司徒居兗泉側石烈二

北石烈

南石烈

奚王府六部五帳分其先日時慧事東遙里十帳部主

哲里後逐哲里自立為奚王卒弟吐勒斯立遙靺鞨質  
可汗討之俘其拒敵者七百戶撫其降者以時瑟鄰睦  
之故止俘部曲之半餘悉留焉奚勢由是衰矣初為五  
部曰遙里曰伯德曰奧里曰梅只曰楚里太祖盡降之  
號五部奚天贊八年有東扒里廝胡指者恃險堅壁於  
箭奇山以拒命擲揄曰大軍何能為我當飲墮塊門下  
矣太祖滅之以奚府給役戶併括諸部總下收合流散  
置墮塊部因墮塊門之語為名遂號六部奚命勃魯恩  
主之仍號奚王太宗即位置宰相常表各二員聖宗合  
奧里梅只墮塊三部為一特置二寇部以足六部之數

奚王和朔奴討兀惹敗績籍六部隸北府

突呂不室韋部本名大小二黃室韋戶太祖為達馬狻  
沙里以計降之乃置為二部隸北府節度使屬東北路  
統軍司戍泰州東北

涅刺拏古部與突呂不室韋部同節度使戍泰州東  
迭刺迭達部本鮮質可汗所俘奚七百戶太祖即位以  
為十四石烈置為部隸南府節度使屬西南路招討司  
戍黑山北部民居慶州南

乙室奧隗部神冊六年太祖以所俘奚戶置隸南府節  
度使屬東北路兵馬司



楮特奧隗部太祖以奚戶置隸南府節度使屬東京都部署司

品達魯號部太祖以所俘達魯號部置隸南府節度使屬西南路招討司戍黑山北

烏古涅刺部亦曰涅離部太祖取于骨里戶六千神冊六年析爲烏古涅刺及圖魯二部俱隸北府節度使屬西南路招討司

圖魯部節度使屬東北路統軍司

已上太祖以遙輦氏舊部族分置者凡十部增置者八

### 聖宗三十四部

撒里葛部奚有三營曰撒里葛曰窈介曰耨盪瓜太祖伐奚乞降願爲著帳子弟籍于宮分皆設夷離室聖宗各置爲部改設節度使皆隸南府以備畋獵之役居澤州東

窈介部與撒里葛部同居潭州南

耨盪瓜部節度使屬東京都部署司

訛僕括部與撒里葛三部同居望雲縣東

特里特勉部初於八部各析二十戶以戍奚偵候落馬河及速魯河側置二十詳穩聖宗以戶口蕃息置爲部

設節度使隸南府戊倒塌嶺居索駝岡

稍瓦部初取諸宮及橫帳大族奴隸置稍瓦石烈稍瓦

雁鳥坊也居遼水東掌羅捕飛鳥聖宗以戶口蕃息置部

節度使屬東京都部署司

曷木部初取諸宮及橫帳大族奴隸置曷木石烈曷木

鐵也以冶于海濱柳濕河三點古斯手山聖宗以戶口

蕃息置部屬東京都部署司

遙里部居潭利二州間石烈三

撒里必石烈

比石烈

帖魯石烈

伯德部松山平州之間太師太保居中京西石烈六

斡勒石烈

速古石烈

腆你石烈

迭里石烈

旭特石烈

悅里石烈

楚里部居潭州北

奧里部統和十二年以與梅只墮瑰三部民籍數寡合

遼  
七  
為一部并上三部本屬奚王府聖宗分置

南剋部

北剋部統和二年以奚府二剋分置二部

隗衍突厥部聖宗折四關沙四頗瀋戶置以鎮東北女  
直之境開泰九年節度使奏請置石烈隸北府屬黃龍  
府都部署司

契衍突厥部與隗衍突厥同

涅刺越兀部以涅刺室韋戶置隸北府節度使屬西南  
面招討司戍黑山北

奧衍女直部聖宗以女直戶置隸北府節度使屬西北

招討司戍鎮州境自北至河西部皆俘獲諸國之民初  
隸諸官戶口蕃息置部訖於五國皆有節度使

乙典女直部聖宗以女直戶置隸南府居高州北

斡突盃烏古部聖宗以烏古戶置隸南府節度使屬西  
南面招討司戍黑山北

迭魯敵烈部聖宗以敵烈戶置隸北府節度使屬烏古  
敵烈統軍司

室韋部聖宗以室韋戶置節度使屬西北路招討司

朮哲達魯斡部聖宗以達魯斡戶置隸北府節度使屬  
東北路統軍司戍境內居境外

梅古悉部聖宗以唐古戶置隸北府節度使屬西南面招討司

頡的部聖宗以唐古戶置隸北府節度使屬西南面招討司

北敵烈部聖宗以敵烈戶置戍隗烏古部

匿訖唐古部聖宗置隸北府節度使屬西南面招討司

比唐古部聖宗以唐古戶置隸北府節度使屬黃龍府

都部署司戍府南

南唐古部聖宗置隸北府

鷓刺唐古部與南唐古同節度使屬西南面招討司

河西部聖宗置隸北府節度使屬東北路統軍司

薛特部開泰四年以回鶻戶置隸北府居慈仁縣北

伯斯鼻骨德部本鼻骨德戶初隸諸宮聖宗以戶口蕃

息置部隸北府節度使屬東北路統軍司戍境內居境

外

達馬鼻骨德部聖宗以鼻骨德戶置隸南府節度使屬

東北路統軍司

五國部剖阿里國盆奴里國奧里米國越里篤國越里

吉國聖宗時來附命居本土以鎮東北境屬黃龍府都

部署司重熙六年以越里吉國人尚海等訴酋帥渾敞

貪汚罷五國酋帥設節度使以領之

已上聖宗以舊部族置者十六增置十八

遼國外十部

烏古部

敵烈八部

隗古部

回跋部

崇母部

吾禿婉部

迭刺葛城

回鶻部

長白山部

蒲盧毛朶部

右十部不能成國附庸於遼時叛時服各有職貢猶唐人  
之有羈縻州也

志第三

志第四

遼史三十四

開府儀同三司上柱國兼國軍事中書右丞相監修國史領經筵事都總裁臣 脫脫奉

勅修

兵衛志上

軒轅氏合符東海邑于涿鹿之阿遷徙往來無常處以兵  
為營衛飛狐以北無慮以東西暨流沙四戰之地聖人猶  
不免於兵衛地勢然耳遼國左都遼海右邑涿鹿兵力莫  
彊焉其在隋世依紇臣水而居分為十部兵多者三千少  
者千餘順寒暑逐水草畜牧侵伐則十部相與議與兵致  
役合契而後動獵則部得自行至唐大賀氏勝兵四萬三

千人分爲八部大賀氏中衰僅存五部有耶律雅里者分五部爲八立二府以總之析三耶律氏爲七二審密氏爲五凡二十部刻木爲契政令大行遜不有國廼立遼輦氏代大賀氏兵力益振即太祖六世祖也及太祖會李克用于雲中以兵三十萬盛矣遼輦耶瀾可汗十年歲在辛酉太祖授錢專征破室韋于厥奚三國俘獲廬帳不可勝紀十月授大迭烈府夷离堇明賞計繕甲兵休息民庶滋著羣牧務在戢兵十一年總兵四十萬伐代北克郡縣九俘九萬五千口十二年德祖討奚俘七千戶十五年遼輦可汗卒遺命遜位于太祖太祖即位五年討西奚東奚悉平

之盡有奚霫之衆六年春親征幽州東西旌旗相望亘數百里所經郡縣望風皆下俘獲甚衆振旅而還秋親征背陰國俘獲數萬計神冊元年親征突厥吐渾党項小蕃沙陀諸部俘戶一萬五千六百攻振武乘勝而東攻蔚新武媯儒五州俘獲不可勝紀斬不從命者萬四千七百級盡有代北河曲陰山之衆遂取山北八軍四年親征于骨里國俘獲一萬四千二百口五年征党項俘獲二千六百口攻天德軍拔十有二柵徙其民六年出居庸關分兵掠檀順等州安遠軍三河良鄉望都潞蒲城遂城等縣俘其民徙內地皇太子略定州俘獲甚衆天贊元年以戶口滋繁

糺轄踈遠分北大濃兀爲二部立兩節度以統之三年西  
征党項等國俘獲不可勝紀四年疑親征渤海天顯元年  
滅渤海國地方五千里兵數十萬五京十五府六十二州  
盡有其衆契丹益大會同初太宗滅唐立晉晉獻燕代十  
六州民衆兵彊莫之能禦矣

### 兵制

遼國兵制凡民年十五以上五十以下隸兵籍每正軍一  
名馬三疋打草穀守營鋪家丁各一人人鐵甲九事馬韉  
纜馬甲皮鐵視其力弓四箭箭四百長短鎗鎗錄斧鉞小旗  
鎚錐火刀石馬盂炒一斗炒袋搭毳傘各一磨馬繩二百

尺皆自備人馬不給糧草日遣打草穀騎四出抄掠以供  
之鑄金魚符調發軍馬其挺馬及傳命有銀牌二百軍所  
舍有遠探攔子馬以夜聽人馬之聲凡舉兵帝率蕃漢文  
武臣僚以青牛白馬祭告天地日神惟不拜月分命近臣  
告太祖以下諸陵及木葉山神乃詔諸道徵兵惟南北奚  
王東京渤海兵馬燕京統軍兵馬雖奉詔未敢發兵必以  
聞上遣大將持金魚符合然後行始聞詔攢戶丁推戶力  
覈籍齊衆以待自十將以上次第點集軍馬器仗符至兵  
馬本司自領使者不得與唯再共點軍馬訖又以上聞量  
兵馬多少再命使充軍主與本司互相監督又請引五方



旗鼓然後皇帝親點將校又選勳戚大臣充行營兵馬都  
統副都統都監各一人又選諸軍兵馬尤精銳者三萬人  
爲護駕軍又選驍勇三千人爲先鋒軍又選剽悍百人之  
上爲遠探攔子軍以上各有將領又於諸軍每部量衆寡  
抽十人或五人合爲一隊別立將領以備勾取兵馬騰逆  
公事其南伐點兵多在幽州北千里鴛鴦泊及行並取居  
庸關曹王峪白馬口古北口安遠馬口松亭關榆關等路  
將至平州幽州境又遣使分道催發不得久駐恐踐禾稼  
出兵不過九月還師不過十二月止路不得見僧尼喪服  
之人皇帝親征留親王一人在幽州權知軍國大事既入

南界分爲三路廣信軍雄州霸州各一駕必由中道兵馬  
都統護駕等軍皆從各路軍馬遇縣鎮即時攻擊若大州  
軍必先料其虛實可攻次第而後進兵沁途民居園囿桑  
柘必夷伐焚蕩至宋北京三路兵皆會以議攻取及退亦  
然三路軍馬前後左右有先鋒遠探攔子馬各十數人在  
先鋒前後二十餘里全副衣甲夜中每行十里或五里少  
駐下馬側聽無有人馬之聲有則擒之力不可敵飛報先  
鋒齊力攻擊如有大軍走報主帥敵中虛實動必知之軍  
行當道州城防守堅固不可攻擊引兵過之恐敵人出城  
邀阻乃圍射鼓譟詐爲攻擊敵方閉城固守前路無阻引

兵進分兵抄截使隨處州城隔絕不通孤立無援所過大小州城至夜恐城中出兵突擊及與隣州計會軍馬甲夜每城以騎兵百人去城門左右百餘步被甲執兵立馬以待兵出力不能加馳還勾集衆兵與戰左右官道斜徑山路河津夜中並遣兵巡守其打草穀家丁各衣甲持兵旋團爲隊必先斫伐園林然後驅掠老幼運土木填塹塹攻城之際必使先登矢石榴木併下止傷老幼又於本國州縣起漢人鄉兵萬人隨軍專伐園林填道路御寨及諸營壘唯用桑柘梨栗軍退縱火焚之敵軍旣陣料其陣勢大小山川形勢往回道路救援捷徑漕運所出各有以制之

然後於陣四面列騎爲隊每隊五百人十隊爲一道十道當一面各有主帥最先一隊走馬大譟衝突敵軍大利則諸隊齊進若未利引退第二隊繼之退者息馬飲水抄諸道皆然更退迭進敵陣不動亦力戰歷二三日待其困憊又令打草穀家丁馬施雙箒因風疾馳揚塵敵陣更互往來中旣肌疲目不相親可以取勝若陣南獲勝陣北失利主將在中無以知之則以本國四方山川爲號聲以相聞得相救應若帝不親征重臣統兵不下十五萬衆三路往還北京會兵進以九月退以十二月行事次第皆如之若春以正月秋以九月不命都統止遣騎兵六萬不許

深入不攻城池不伐林木但以界外三百里內耗蕩生聚不令種養而已軍入南界步騎車帳不循阡陌三道將領各一人率攔子馬各萬騎支散游弈百十里外更迭覘邏及暮以吹角爲號衆即頓舍環繞御帳自近及遠折木稍屈爲弓子舖不設鎗營塹柵之備每軍行鼓三代不間晝夜大衆齊發未遇大敵不乘戰馬俟近敵師乘新羈馬蹄有餘力成不戰退則乘之多伏兵斷糧道日晷夜舉火上風曳柴饋餉自賫散而復聚善戰能寒此兵所以彊也

### 志第四

### 志第五

遼史三十五

開府儀同三司程國錄軍國事書右丞相監修國史領經筵事都總裁臣脫脫奉

勅修

兵衛志中

御帳親軍

漢武帝多行幸之事置期門伏飛羽林之日天子始有親軍唐太宗加親勳翊千牛之衛布腹心之地防衛密矣遼太祖宗室盛彊分迭刺部爲二宮衛內虛經營四方未遑鳩集皇后述律氏居守之際摘藩漢精銳爲屬珊軍太宗益選天下精甲置諸爪牙爲皮室軍合騎五十萬

國威壯矣

大帳皮室軍

太宗置凡三十萬騎

屬珊軍

地皇后置二十萬騎

宮衛騎軍

太祖以迭刺部受禪分本部爲五院六院統以皇族而親衛缺然乃立幹魯朵法裂州縣割五丁以彊幹弱支詒謀嗣續世建宮衛入則居守出則扈從葬則因以守陵有兵事則五京二州各提轄司傳檄而集不待調發州縣部族十萬騎軍已立具矣恩意親洽兵甲犀利教練完習簡天下精銳聚之腹心之中懷舊者歲深增新者世盛此軍制

之良者也

弘義宮

正丁一萬六千

蕃漢轉丁一萬四千

騎軍六千

長寧宮

正丁一萬四千

蕃漢轉丁一萬二千

騎軍五千

永興宮

正丁六千

蕃漢轉丁一萬四千

騎軍五千

積慶宮

正丁一萬

蕃漢轉丁一萬六千

騎軍八千

延昌宮

正丁二千

蕃漢轉丁六千

騎軍二千

彰愍宮

正丁一萬六千

蕃漢轉丁二萬

騎軍一萬

崇德宮

正丁一萬二千

蕃漢轉丁二萬

騎軍一萬

興聖宮

正丁二萬

蕃漢轉丁四萬

騎軍五千

延慶宮

正丁一萬四千

蕃漢轉丁二萬

騎軍一萬

太和宮

正丁二萬

蕃漢轉丁四萬

騎軍一萬五千

永昌宮

正丁一萬四千

蕃漢轉丁二萬

騎軍一萬

敦睦宮

正丁六千

蕃漢轉丁一萬

騎軍五千

文忠王府

正丁一萬

蕃漢轉丁一萬六千

騎兵一萬

十二宮一府自上京至南京總要之地各置提轄司重地每宮皆置內地一二而已太和永昌二宮宜與興聖延慶同舊史不見提轄司蓋闕文也

南京

弘義宮提轄司

長寧宮提轄司

永興宮提轄司

積慶宮提轄司

延昌宮提轄司

彰愍宮提轄司

崇德宮提轄司

興聖宮提轄司

延慶宮提轄司

敦睦宮提轄司

文忠王府提轄司

西京

弘義宮提轄司

長寧宮提轄司

永興宮提轄司

積慶宮提轄司

彰愍宮提轄司

崇德宮提轄司

延慶宮提轄司

文忠王府提轄司

奉聖州

弘義宮提轄司

長寧宮提轄司

平州

永興宮提轄司

積慶宮提轄司

彰愍宮提轄司

崇德宮提轄司

興聖宮提轄司

延慶宮提轄司

文忠王府提轄司

弘義宮提轄司

長寧宮提轄司



永興宮提轄司

積慶宮提轄司

延昌宮提轄司

彰愍宮提轄司

興聖宮提轄司

延慶宮提轄司

文忠王府提轄司

中京

延昌宮提轄司

文忠王府提轄司

上京

文忠王府提轄司

凡諸宮衛丁四十萬八千出騎軍十萬一千

大首領部族軍

遼親王大臣體國如家征伐之際往往置私甲以從王事  
大者千餘騎小者數百人著籍皇府國有戎政量借三五  
千騎常留餘兵為部族根本

太子軍

偉王軍

永康王軍

于越王軍

麻谷軍

五押軍

衆部族軍

衆部族分隸南北府守衛四邊各有司存具如左

北府凡二十八部

侍從宮帳

奚王府部

鎮南境

五院部

六院部

東北路招討司

烏隗部

東北路統軍司

遙里部

伯德部

奧里部

南剋部

北剋部

圖盧部

術者達魯噶部

河西部

西北路招討司

突呂不部

奧衍女直部

室韋部

西南路招討司

涅刺部

烏古刺部

涅刺越兀部

梅古悉部

頡的部

匿訖唐古部

鶴刺唐古部

黃龍府都部署司

隗衍突厥部

奧衍突厥部

北唐古部

五國部

烏古敵烈統軍司

迭魯敵烈部

戌隗烏古部

北敵烈部

南府凡一十六部

鎮駐西南境

乙室部

西南路招討司

品部

迭達迭刺部

品達魯號部

乙典女直部

西北路招討司

楮特部

東北路統軍司

達馬鼻古德部

東北路女直兵馬司

乙室奧隗部

東京都部署司

楮特奧隗部

窈瓜部

稍瓦部

曷木部

戊倒塌嶺

訛僕括部

屯駐本境

撒里葛部

南唐古部

薛特部

志第五



